

## **Meeqqanut tapiissutit pillugit Namminersorlutik Oqartussat nalunaarutaat nr. 10, 14. december 2018-imeersoq**

Meeqqanut tapiissutit pillugit Inatsisartut inatsisaanni nr. 9, 7. december 2009-meersumi, Inatsisartut inatsisaanni nr. 7, 27. november 2018-imi allangortinneqartumi, § 6, imm. 5, aamma § 10, imm. 2 naapertorlugit aalajangersarneqarpoq:

### **Kapitali 1**

#### *Meeqqanut tapiissutit naatsorsorneqarnerat*

§ 1. Meeqqanut tapiissutit aningaasarsiat apeqqutaatillugit tunniunneqassapput aamma maannakkorpiaq aningaasarsiat aallaavigalugit naatsorsorneqassapput, procenti aaqqiissutissaq aamma maannakkorpiaq aningaasarsiat pillugit tak. § 5.

### **Kapitali 2**

#### *Meeqqanut tapiissutininik tunniussinissaq*

§ 2. Kommunalbestyrelsip aalajangissavaa, meeqqanut tapiissutit qanoq ilillugit tunniunneqartassanersut, piunasaqaatigisinnaavaalu, meeqqanut tapiissutininik pisartagalik aningaasaateqarfimmi kontomik assigisaanilluunniit, tapiissutininik ikisiffiusinnaasumik paasissutissiissasoq.

*Imm. 2.* Meeqqanut tapiissutit qaammammut 100 kr.-t inorpatigit tunniunneqartassanngillat.

§ 3. Meeqqanut tapiissutit tunniunneqarneranni meeqqanut tapiissutininik pisartagalik ilisimatinneqassaaq:

- 1) meeqqanut tapiissutininik tigusermut atatillugu piunasaqaatit pillugit
- 2) naatsorsuinnermut tunngavigineqartoq pillugu
- 3) pissutsinik meeqqanut tapiissutininik tunniussisarnermut pingaaruteqartunik allannguuteqarnermik paasissutissiisussaataaneq pillugu.

*Imm. 2.* Kommunimut allamut nuunnermi, kommuni nuuffigineqartoq paasissutissanik meeqqanut tapiissutit annertussusissaannik naatsorsuinissamut pisariaqartinneqartunik pissarsiniassalluni pisussaavoq. Kommunip nuuffigineqartup paasissutissat suliamut attuumassuteqartut inunnik nalunaarsuiffimmut akileraartermillu ingerlatsivimmut pissarsiariniassavai.

§ 4. Meeqqanut tapiissutit tunniunneqarneri meeqqamut iluaqutaanngitsut uppernarsarneqarpat, kommunalbestyrelsip aalajangersinnaavaa, meeqqanut tapiissutit aqussallugit imaluunniit tapiissutit tamakkiisumik ilaannakortumilluunniit inuussutissanngoreerlugit tunniunneqartassasut.

*Imm. 2.* Meeqqanut tapiissutininik tunniussinermi nioqqutissanik pisissutissanngorlugit (rekvisition)

pisassapput.

### **Kapitali 3**

#### *Nakkutiginninneq*

§ 5. Meeqqanik tapiissutinik tiguisartooq pisussaaffeqarpoq pissutsit tamaasa meeqqanut tapiissutit annertussusissaannik naatsorsuisarnermut uppersaataat pingaaruteqartut paasisutissiissutigissallugit tunniullugillu.

### **Kapitali 4**

#### *Atortuulersitsineq*

§ 6. Nalunaarut manna 1. januar 2019 atortuulersinneqarpoq.

*Imm. 2.* Peqatigitillugu Meeqqanut tapiissutit pillugit Namminersorlutik Oqartussat nalunaarutaat nr. 19, 18. oktober 2012-imeersoq atorunnaarsinneqarpoq.

*Namminersorlutik Oqartussat, 14. december 2018*

Martha Abelsen

/

Julie Præst Wilche